

# PEIJ KO JĀN JIKIN KO ILO PACIFIC

ENNAAN EO AN RITŌL RO

## Tōmak, Baamle, im Anemkwoj

Jān Elder Dallin H. Oaks

Jen Doulul eo an Joñoulruo Rijilök ro

**R**o jeiü im jatü jitön böro. Ij Reñjake aō lukkuun jeramman ñan aō maroñ kōnono ñan kom.



I.

Ikar eñjake bwe in jino kōnono ñan jodikdik ro ad im rūmman ded ro. Kom jodikdik ro rej pād ilo juon tōre elukuun in aorök ilo mour eo ami. Ij rōjañ kom bwe komin lõm-ñak kōn ilju im jeklaj eo. Menin epen ñan armej ro remman dettāer, eļaptata jodikdik ro. Ak komin tōmak eō bwe jokālet ko komij kōmmane rainin renaaj aorök tokjāer ilo mour eo ami iumwin elōñ iiō ko rej itok. Ikō-ñaan kōnono ñan kom ilo eja wāween eo wōt ñe ij kōnono ñan ajri ro jibū 29.

Jeļāļokjeņ ej juon waanjoñak. Ñan juon armej emman rettan, juon jermal eo ej bōktok men ko wōnāād jān jermal im ju böro ekañōñō. Jet iaan jodikdik ro ad aet rej bōjrak jān jikuul tōre eo rekar bōk kālet in. Ñe kwoj keidi aorök in wōnāān juon jermal rainin ippān jeramman ko jān jeļāļokjeņ aolepān mour eo aņ, wōnmaanļok wōt ilo jikuul ealikkar ke ej kālet eo emmantata. Komwin jab juon iaan ajri ro rej bōjrak jān jikuul kōnke epen ak kōnke men ko jet rej kareel kom. Ekkatak joñan wōt ami maroñ. Jeļāļokjeņ enaaj kapidodo ami kakke ñan kom make im baamle eo ami im ro kwoj iakwe iiō ko rej pedo tok. Jab poļōmen ami bōk jeļāļokjeņ enaaj kakkure kom kōn wōnāān jermal eo ejabwe im inepata iumwin juon tōre in mour.

II.

Mijenede ro rej kab rōļ, ij kaņoole aorök in jeļāļokjeņ ñan kom, ak ewōr ippa jet naan in kakkobaba ko ikōñaan jiroñ waj kom. Ilo mijen eo ami, kom kar

aetōl juon kōmpānion emman, katak kōn kakien ko an mijen, im tōl jān mijen būreejtōn eo ami im ritōl ro ami jet jān mijen. Ilo mejatoto in mour jab in, kom kar eddōkļok ilo ami kar maroñ katak gospel eo, ñan jermal ñan Irooj, im ñan roñjake imwe ko an Jetōb Kwojarjar eo, ñan tōl kom ñan ta eo komij aikuj kōmmane. Ke kwaar rōļ jān mijen eo aņ, ekar wōr juon kālet eorök ñan kōmmane. Kālet eo eorök ekar ikōtaan rōļtok im mour kōn mour eo aņ mokta jān mijen eo aņ, ak dāpij wōt wāween eo kwaar ekkatak ñan mour ilo mijen eo. Kālet ta eo kwaar kōmmane? Ta kālet ko kwoj kōmmane rainin?



**Elder Dallin H. Oaks**



Ro jeiū im jatū remṡan ded, ij rōjañ komṡ nān dāpij wōt nān indeeo men ko raorōk komṡ kar ekkatak ilo mijen eo ami. Eḷaṡṡne komṡ kar ettoḷok jāni, ij rōjañ komṡ nān rōḷtok nāni. Etal nān kweilok in kwojkwoj eo aolep Jabōt im bōk ṡōttan kwojkwoj eo bwe komṡin karbab kōn kalimṡur eo eḷap bwe Jetōb eo An en pād [ippāmi] iien otemjej (D&C 20:77). Ekkatak jeje ko rekwojarjar aolep raan āinwōt komṡ kar kōmṡane ilo mijen eo. Enaaj dāpij komṡ ilo iaḷ in eṡool im enaaj barāinwōt jipaṡ komṡ pād ippāmi Jetōb eo An iien otemjej. Jab oktak likḷok im roñjake kain kōjaṡjaṡ eo ekakkure kōlmenḷokjeṡ im ekkakure jetōb eo. Pukōt bisop eo ami im kajjitōk juon kūr ilo Kabuñ in. Jerbal nān Irooj im armej ro doomi. Komṡwin kain mijenede eo ekar rōḷ kōn leta kein rej jutak kake “RM” meḷeḷein “mijenede eo ej rōḷ,” jab “mijenede eo eḷeḷok an Mormon.”

Pād epaake baamḷe ko aṡi. Dāpij wōt imminene ko remṡan an ṡanit eo aṡi, kain imminene ko rekar tōl nān ṡwil eo ewāppen, baamḷe ko rekajoor, im citizen ro remṡan im rikarejar ro an Irooj. Āliktata,

iiαιο ippān ro ṡōttamṡ remṡan, kain armej rot eo kwonaaj kōṡaan ṡōttāiki āinwōt ṡōttā ro nān indeeo im ilubwilijin ro komaroñ in iioon juon ṡōttamṡ ippāer eo komaroñ in etal nān tampeḷ eo ippān, nān lale bwe jemjerā eo emṡan aṡi enaaj pād wōt nān indeeo.

### III.

Kiiō, ikōṡaan ba juon men nān ro jinen im jemān im ritōl ro an Kabuñ in an mijenede ro rej kab rōḷ. Ro jinen im jemān, ke ḷaddik ak leddik eo nejūṡ ekar emṡakūt nān mijen, ḷaddik eo ak leddik eo ekar juon rūmṡan ded, juon armej ej mour kōn mālim eo ippamṡ im eḷaptata ej pedped ioon tōl im jipaṡ eo aṡi. Ke mijenede ro nejūṡ rej rōḷ, ḷaddik eo ak leddik eo rekar erom juon eo erūtto—juon rūmṡan ded erūtto. Rūmṡan ded ro nejūṡ rerūtto rej jab aikuj in kōmṡan nān er āinwōt ajri ro, im rej jab aikuj kōtmāne bwe kwoj aikuj rie er im tōl er ilo men otemjej rej kōmṡani. Jouv, ro jinen im jemān, kōmṡan nān mijenede ro nejūṡi rej rōḷ āinwōt rūtto ro rerūtto. Rōjaṡ er im kapilōk er, jab kōmṡan nān er āinwōt ajri ro.

Bisop im stake būreejtōn ro, ij ba ejja menin wōt nān komṡ. Mijenede rein rej rōḷ raar lukkuun ekkatak im rikarejar ro reminene an Irooj. Āinwōt juon rikarejar an Irooj im juon ritōl kar kūr an Kabuñ in An, ij ba nān komṡ, jouj leḷok nān mijenede ro rej kab rōḷ kūr ko an Kabuñ in iien eo rej rōḷ jān mijen ko aer. Kōmṡan bwe ren jermal ilo Kabuñ in. Jej jab aikuj luuji imminene ko aer im jibadbad eo eḷap aer im joṡak in tōl eo aer, eḷaptata nān likao ro im jiroñ ro. Kōmṡan bwe ren jermal in katakin im tōl. Eḷaṡṡne meḷeḷe eo in kōtlōk emṡaan im kōrā ro eḷap jeḷā ko ippāer nān kōmṡan jikin nān kūr ko nān rūmṡan ded rein, likūti bwe ej wōnān kaminene eo im kōjparok diktak in epepen in, im kōmṡane. Juon membōr eḷole emaroñ in mour ilo an eḷeḷok an kūr. Ak jej aikuj kūr ko im kaminene eo ej jab bōjrak nān rūmṡan ded ro rej ritōl ro ilju im jekḷaj an Kabuñ in.

### IV.

Kiiō ij kōnono kōn jet unin kōnono ko relukkuun in aorōk. Ijin ilo United States, kōmṡij kōnono nān citizen ro ad remṡan—LDS im jab LDS—kōn



jilu unin kōnono ko: tōmak, baamle, im anemkwoj. Ij tōmak unin kōnono kein rej aorōkier wōt juon nān koŋ, ro jeiū im jatū ilo Pacific. Ij jino kōn katak ko an baamle im kōtaan ko an nān eddo ko ad āinwōt ro jinen im jemān im māmā im baba ro ilju im jeklaj.

Ļōmŋak kōn naan kein rei-mŋwe jān Baamle Eo Juon Naan in Keaŋ nān Laļ in:

“Kōmij . . . kwaļok bwe jek-jek ko me mour in ej ejaak jāni rej ijitōŋ jān lañ. Kōmij kapen-ļok bwe ekwojarjar eo an mour im aorōk in karōk eo an Anij indeeo. . . .

“Baamle eo ej ekkapit jān Anij. Māre eo kōtaan emŋaan

im kōrā eļap tokjān nān karōk eo An indeeo. Ajri ro rej maroŋ ļotak ilo korak in māre ko, im kōkkaajririik er jān juōn jemen im jinen ro me rej kautiej kalim-mur in māre ko ilo ejjeļok irļok.”<sup>1</sup>

Menin ej kōmeļeļeik karōk eo an Anij—mool ko nān indeeo jej būki im ejjeļok ad kajoor nān ukōti—letok nān kōj juon jibadbad eo ej jab kōtlōk wōt ad būki karōk ko jet nān ajri ro ak meļeļe ko jet kōn māre, meŋe kakien ko jān kien rej kōmālim er.

Ekkatak eo ad kōn kabuŋ ej ijino ippān jemedwōj ilaŋ im jinedwōj ilaŋ. Gospel eo an Jisōs Kraist ej karōk eo an Jemedwōj Ilaŋ, nān jeramŋan eo an ajri in jetōb ro nejin. Karōk in an gospel ej wōn-māanļok wōt ippān baamle ko ioon laļ in. Āinwōt ro jinen im jemān, jej bōk koŋaad ilo karōk in ilo ad bōktok ānbwin ko nān laļ in kōn ajri in jetōb ro nejin Jemedwōj Ilaŋ im Jinedwōj Ilaŋ. Jej kwaļok bwe tarlep in lōmōor eo ej ilo kōtaan ko an baamle, ko jej kōŋaan bwe ren wōn-māanļok wōt nān indeeo. Jema-roŋ kaŋool im ba bwe karōk in gospel eo ekar ejaak ilo kōŋnjej eo an juon baamle indeeo, ej

jerbal jān baamle ko ad ioon laļ in, im ewōr an mejān kajjik, mejān kajjik eo an ej baamle ko ad indeeo.

Ro jeiū im jatū, ij kaŋool bwe men kein rej mool. Eļāñ-ñe ewōr ad tōmak im eļāññe jej dāpdāp wōt ilo mool kein, jenaaj jeramŋan ilo mour in, im ilo iien otemjej ko rej itok.

Kabuŋ in ej pād nān leļok nān ļaddik im leddik ro nejin Anij meļeļe ko nān deļoŋe ijo ilōŋ tata ilo aelōŋ eo an celestial. Ejimwe nān ba bwe Kabuŋ eo an Jisōs Kraist im Armej ro Rekwojarjar ilo Raan-ko Āliktata ej juon kabuŋ an baamle, ilo katak ko im kamminene ko. Ilo juon iien ke laļ in ej āinwōt ejako ippān meļeļe eo im jibadbad eo kōn māre im aorōk in keotak ajri, eaorōk bwe kōj Armej ro Rekwojarjar ro ejjeļok ad tarpok kōn unin kōnono kein. Ilo baamle ko an Armej ro Rekwojarjar ilo Raan-ko Āliktata, ewōr juon baba im juon māmā, ej jab juon māmā im juon mōttan—ej jab juon baba im juon mōttan. Ewōr ippād juon baba im juon māmā. Im jej aikuj aolep iien kōnono kōn ro jined im jimād ilo naan kein.

Jej, aaet, iruj bwe ilo elōŋ laļ ko ilaļ in, ekoba Pacific Eria, im

ilo elōn bukwōn ko an United States, kakien eo ej kōmālim men eo ŋaetan “mare” bwe en maroñ kōmṃan ikōtaan juon kōrā ippān juon kōrā, ak juon emṃaan ippān juon emṃaan. Ak menin ej jab ukōt nememe eo emṃool bwe ippān doon an juon emṃaan im juon kōrā ewōr joñak eo rekar lotak tok kake bwe ren kiotak ajri ro. Eļaptata im aorōktata, oktak ko ilo kakien an kien ej jab ukōt karōk eo an Anij, ak kien ko E ekar liļok ñan ajri ro Nejin. Āinwōt Būreejtōnji eo Kein Kajuon ej kakeememej kōj ilo leta in aer ekāāl: “Anij ej kōt-māne bwe jen dāpij im kōjparok kien ko An mekarta meļeļe ko roktak ak ia eo oktak ko rej itok jāne ilo jukjuninpād eo.”<sup>2</sup>

## V.

Mānit in mare an emṃaan im kōrā ej juon katak an kabuñ, ak eļapļok. Mare eļapļok jān juon koñ ikōtaan ruo armej ñan kōmālim eñjake ko im ñan eddo ñan doon. Mānit in mare ej aorōk in ekkatak ñan kōkkaajririik im katakin er ñan erom rūtto ro rej bōk eddoin er make.

Elōn ekkatak ko rej kwaļok bwe juon ripālele emṃaan im



kōrā ro rej ippān doon ilo juon iakwe, kōjparok mare ej bōktok juon mejatoto eo emṃantata ñan kōjparok, kōkkaajriri, im karūttoļok ajri ro. Ak ilōn in menin, mānit in mare an juon emṃaan im juon kōrā ekar baj wōt juon joñak iumṃwin iiō ko kōnke baamle ko rej tōl jān juon māma eo eakwe im baba eo ej jermal āinwōt jikin ekkatak eo eaorōk ñan leļok ñan epepen ko ilju im jekļaj kajoor ko an mṃwil erre eo kaorōke men eo eaorōk ñan armej ro. Ejjeļok juon men ej bōk jikin lukkuun in jinen im lukkuun in jemān. Ilo 1948, laļ ko ilaļ in rekar leļok juon kōmlet etan Universal Declaration of Human Rights, eo ej kapene bwe

“baamle eo ej iunit in kurub eo eaorōktata ilo jukjukinpād eo.”<sup>3</sup>

Kabuñ eo an Jisōs Kraist im Armej ro Rekwojarjar ilo Raan-ko Āliktata rej kapene bwe ajri ro nejin Anij ewōr juon aer jimwe ñan maroñ lotak tok ilowaan juon em ekitbuuj māma im baba ruo armej rejenoloļok jān doon, ej jab juon ekkatak eo me armej rej mour ippān doon. Ewōr juon kaṃool eo emṃool iumṃwin iiō kein bwe ajri ro emṃan aer pād ilo aolep joñak ñe rej rūttoļok ilo juon em eo ewōr māma im baba ie. Jej pād ñan kareel ko an kien im rōjañ ta eo emṃantata ñan epepen ko ilju im jekļaj. Jej pād ñan iien eo eaitok—leļok aorōk ko iumṃwin elōn epepen ko. Jej pād ñan ilju im jekļaj eo an ajri ro.

## VI.

Māma im baba ro ewōr juon eddo ippāer leļok jān Anij ñan katakin ajri ro nejier. Būreejtōn David O. McKay ekar kōmṃane ennaan in eimwe:

“Mṃweo ej jikin eo jinoin im ewājapdiktata ñan an ajri ro ekkatak katak ko an mour: mṃool, kautiej, wānōk, kauweik er make; aorōk in jeļāļokjeñ,



jerbal mool, im jibadbad im jeraṃṃan an mour. Ejeleḷok emaroñ bök jikin ṃweo ilo kōkkaajriri im katakin ajri ro, im ejeleḷok bar tōprak emaroñ kōllā wōnān likjab eo ilowaan ṃweo.”<sup>4</sup>

Kiiō, Būreejtōnji eo Kein Kajuon ekar kūr ṃan ṃaṃa im baba ro “ṃan wūjleḷok kijejeto eo aer eṃṃantata ṃan katakin im kōkkaajririik ajri ro nejier kōn pedped in katak ko an gospel. . . . ṃweo ej rie juon mour ewānōk, ebar ejeleḷok juon kein jerbal emaroñ bök jikin . . . ilo . . . eddo in kar letok jān Anij”<sup>5</sup> Ilo ṃōko ṃweer, ṃaṃa im baba ro rej maroñ katakin ajri ro nejier ilo iakwe,

jān katak im waanjoñak. ṃaṃa im baba ro rej jab aikuj leḷok eddo in aer ṃan jabdewōt armej. Mekarta jikuul ko remṃantata rej jab maroñ bök jikin katak ko an ṃaṃa im baba eo ej tōl juon ajri ṃan mour indeeo. Būreejtōn Ezra Taft Benson ekar katakin: “Baamle eo ej jikin eo ewājapdiktata ṃan leḷok ḷōṃṃak im katak ko raorōktata ibōran membōr in baamle eo an.”<sup>6</sup> ṃan waanjoñak, jikuul ko im kien ko remaroñ katakin kōn jimwe, ak mour indeeo ej jab maroñ bök jān juon ennaan eo ba ke ejimwe. Mour indeeo, men eo eḷaptata iaan aolep menin letok an Anij (lale D&C 14:7), bōke wōt jān kakūrṃool eddo ko, im ṃweo ej jikin eo ṃan katakin kōn eddo ko im jerbal ko.

ṃaṃa im baba, eddo in ṃan katakin ajri ro nejid ej kein kajuon ilo aorōk. Būreejtōnji eo Kein Kajuon ekar kwaḷok bwe “mekarta erre eo im jijet in kōṃaan ko jet ak ṃakūtkūt ko remaroñ in, rej jab aikuj kōmālim ṃan bök jikin eddo ko jitōñi rekwojarjar me ṃaṃa im baba wōt im baamle ko remaroñ kōṃṃani.”<sup>7</sup> Jet iaan kijejeto ko raorōk ippānḷok rej kakūrṃool

mijen ko an Kabuñ in enaaj ṃaṃa im baba ro rej katakin ajri ro nejier katak ko im kamine ko an Kabuñ in, jān katak im jān waanjoñak.

## VII.

Iaar kōnono kōn katak eo kōn baamle, im eddo ko an ṃaṃa im baba ṃan katakin ajri ro nejier. Ak ilo gospel eo eṃōj an jepḷaaktok, eḷapḷok kōn katak ko kōn baamle jān baj kautiej ro jined im jemād im katakin ro ineed ilaḷ in. Jejeḷā jān revelesōn ko raan kein im katak an rikanaan bwe eddo ko an baamle ko ad rej ilok ṃan ro jibūd im jimṃaad remej barāinwōt ṃan ro ineed. ṃan ro remour im ro remej, kaiñi ko



rej aikuj in kōmman ilo mour in. Eñin ej juon iaan jibadbad ko rellep an tampeļ ko rej pād ilo South Pacific.

Ikar mōņōņō in katak bwe eria būreejtōņi eo ami ej rōjañ aolep jodikdik ro im rūtto ro ñan bōk juon peba in mālim an tampeļ, ñan kalikkar membōr in baamle eo emej jān kadedeikļok boklet eo, *My Family*, im bōk āt ko ak jilkinļoki ñan tampeļ eo ñan jerbāl in kaiņi ko. Ij rōjañ kom ñan ļoor tōl in an eria būreejtōņi eo ami. Ro remman ded im rerūtto, komwin bōk koņaami ilo jerbāl in lōmōor in eļap an membōr in baamle ko ad—ro jībūd im jimaad remej—ro raar mej ilo an kar ejjeļok aer jeļā ñan bōk koņaer ilo kaiņi ko raorōk an peptaij, kōmman bujen ko me jej ņaetaer bōk menin letok kwojarjar eo an tampeļ, im kaiņi eo eaorōk an mare ilo tampeļ eo.

### VIII.

Ij kōnono kiiō kōn tōmak im baamle. Āinwōt aō kar ba mōktaļok, ilo United States jej kōnono kōn tōmak im baamle, jej barāinwōt kōnono kōn anemkwoj, eo ej meļeļe bwe

anemkwoj ñan kālet wōn im ewi wāween ad naaj kabuñjar im ewi wāween ad naaj kōmmani eddo ko ad ilo kabuñ. Ewōr ippami eja anemkwoj in ilo Pacific. Kōjerbale anemkwoj eo kar lewaj ñan kom. Ij rōjañ kom bwe komwin jab mijak in kōnono kōn tōmak eo ami im katak ko kōn jeļaaktok eo an Kabuñ in. Kōmjij rōjañ ritōl ro im jimwe eo an membōr ro ñan kwaļok im kōnono kōn tōmak ko aer kōn mare, baamle, im mour in, anemkwoj jān kakien ak mō ko an kajjojo armej.

Anemkwoj in ad eaiboojoj kōn kabuñ ej barāinwōt bōkļok eddo eo ñan maroñ kautiej ro rej jab errā kōn katak ko ad ak maktūt ko ad. Ilo laļ ko ami, ewōr juon ami imminene kōn errā kōn oktak ko—eo ejjab lukkuun jejet ak eļapļok an jejet ilo ami kōtļok armej kōn visōn ko ñan mour ippān doon ilo aenōmman. Kōj wōj aolep kōņaan in mour ippān doon ilo mōņōņō im aenōmman. Jekōņaan in mour ippān doon ilo juon jukjukinpād emōņōņō, kijenmej, im meļeļe. Kōj aolep kōņaan wāween ko rewājepdik ñan ņameļan oktak ko im jab illu ak akwāal im meļeļe im errā

ippān doon. Ñan bōk kōttōbar kein, jej aikuj errā ippān doon kōn ro jet me tōmak ko aer, aorōk ko, im mwil ko aer roktak jān ko ad. Menin ejjab meļeļein bwe jenaaj kōwaan ak joļok oktak ko ad, ak bwe jenaaj ekkatak ñan mour ippān ro jet ro rej jab kwaļok kaki.

Ñan waanjoņak, ro rej pedped wōt ioon im mour kōn kakien ko kōmālimi āinwōt mare an emman ñan emman ak kōrā ñan kōrā rej jab aikuj kōmman ñan er ilo jab kautiej. Kabuñ eo an Jisōs Kraist ej katakin kōj ñan iakwe im kōmman ñan aolep armej ilo jouj im kautiej, aet mekarta jej jab errā.

### IX.

Ñan kajemļoke, ij kakeeme-mej kōj bwe ewōr juon ad eddo ilo kabuñ in eaorōk ñan erom rikamool an Anij.

Rijilōk Jon eaar katakin: “Im jetōb otemej re jab kwaļok Jisōs re jab jān Anij; im e in jetōb ri jumae Kraist, eo kom ar roñ bwe ej itok, im iien in ej ilo laļ” (1 Jon 4:3).

Eļāñne jej likjab ñan kōnono āinwōt rikamool an Anij im katak ko An, jej āinwōt jōoļ ilo katak ko an Rilōmōor eo kōn jōoļ eo

emōj an “jōḡl ejako nemān.” Ekar kārē ippān men ko jet—āinwōt jej jab marōñ ettonoon jān aorōk ko an laḡ in—jōḡl ej jako kajoor eo an eaorōk kōn kārē in elōñ men ko. Āinwōt Rilōmḡoor eaar katakin, bwe jōḡl ej “innām e nana, im rej joḡok e, im armej rej juuri” (Matu 5:13).

Armej ro Rekwojarjar ilo Raan-ko Āliktata ḡōtta, kōj jej “jōḡl in laḡ.” Jej aikuj dāpij wōt

nemād jān ad mour kōn kabuñ eo ad im jān kwaḡok kōj make āinwōt rikamḡool ro an Anij. Ñe jej kōmḡane menin, jej kakko-baik kōj ippān ro renaaj lañlōñ kōn anjo eo eḡap kōn ḡool im jimḡwe, ñe “bukwe otemjej renaaj bukweḡōlō ñan Eō, im lo otemjej renaaj kwaḡok” ñan Anij im Irooj Jisōs Kraist (lale Rom 14:11), ro jej kabuñ im ro rej ad rikarejar. Ij kamḡool kōn er im lewaj iomḡi

kōjeramḡan ko aer ilo etan Jisōs Kraist, amen. ■

#### BOK IN JIPAÑ KO

1. “The Family: A Proclamation to the World”, *Ensign*, Nov. 1995, 102.
2. Letter of March, 2014.
3. United Nations, “Universal Declaration of Human Rights”, General Assembly Resolution 217 A (III), Dec. 10, 1948.
4. *Family Home Evening Manual*, 1968-69, p. iii.
5. First Presidency letter, Feb. 11, 1999; printed in *Church News*, Feb. 27, 1999, 3.
6. Ezra Taft Benson, “Fundamentals of Enduring Family Relationships”, *Ensign*, Nov. 1982, p. 59.
7. Source cited in note 5.



# Kōkōmānmanļok M̄are

**N**an membōr ro, m̄are ej juon eņjake eaorōk ilaļ in kōn aorōk eo ejjeļok jemļokin. Baamle Eo: Juon Naan in Kean n̄an laļ in, ej kwaļok “M̄are eo kōtaan em̄maan im kōrā eļap tok-jān n̄an karōk eo An [Jemedwōj Ilaņ] indeeo.”<sup>1</sup> Mekarta, jab m̄oņoņo kōn m̄are ej waļok. Emma-kijkij, men ko raorōktata n̄an juon m̄are em̄o-ņoņo rej likjab ilo wāween kam̄oņoņoik juon armej, im ilo jibadek men ko edik tokjāer āinwōt Social media, jeral, ikkure, kūr ko an kabuņ, im kalimomo ko an jukjukinpād. Nē kain m̄akūtkūt kein rej kālet ko raorōktata, jab ju bōro kōn m̄are ej waļok. Būreejtōn James E. Faust ekar kwaļok “Ilo eņjake eo aō, ebar wōr juon unin [n̄an jepel] eo ejjab alikkar kile . . . Ej likjab in wōnmaanļok im kōmānmanļok m̄are eo. Ej waļok in an jako juon men eļapļok an aiboojoj, aorōk im em̄man nē ej barāinwōt jelmo, pen im m̄ok.”<sup>2</sup>

Būreejtōn Faust ekar wōnmaanļok im kwaļok; “Ilo kōkōmānmanļok m̄are ej men ko reddik rej men ko reļļap”.<sup>3</sup> Kōkajoorļok M̄are<sup>4</sup> ej kwaļok 4 m̄akūtkūt ko n̄an jipaņ kōkōmānmanļok m̄are ko:

- **Bōk iien ippān doon.** Būreejtōn Gordon B. Hinckley ekar ba, “ejjeļok juon men [ippād] eaiboojojļok. . . . Nē men otemjej kar ba im kōm̄mani, ej jemjerā in an baamle eo jenaaj bōke ippād n̄an mour eo ilōnļok”.<sup>5</sup>
- **Em̄oņoņo ippān doon.** M̄akūtkūt ko rekam̄o-ņoņo rej kōkōmānmanļok. Em̄oņoņo, iien ko am̄ make rej wōnmaanļok ejjeļok jemļokier.
- **Kōnono Emakijkij im Jouj.** Būreejtōn Faust ekar kwaļok “Jemjerā ko an M̄are maroņ

kōkōmānman-ļok ilo taujin wāween ko, āinwōt juon ettōndikdik, kuum̄ bar, juon eņjake em̄man im keememej kajjojo raan n̄an ba “ij iakwe eok” im leo pālele ej ba “Kolukkuun deeo”. Jet iaan naan ko jet rao-rōk n̄an ba, nē ekkar, rej “Joļok aō bōd”. Roņjake ej kōnono eo em̄mantata”<sup>6</sup>

- **M̄ak ūtkūt kōn jouj.** Lōmāro pālele im kōrā ro pāleer rej jipaņ [doon] nē rej kwaļok kautiej eo em̄man, jouj im eņjake iakwe n̄an doon.<sup>7</sup>

[www.providentliving.org/lds-family-services/strengthening-marriage?lang=eng](http://www.providentliving.org/lds-family-services/strengthening-marriage?lang=eng) ■

### BOK IN JIPAŅ KO

1. “The Family: A Proclamation to the World”, *Ensign*, November 1995, 102.
2. Faust, James E. “The Enriching of Marriage”, *Ensign*, November 1977, 10.
3. *Ibid.*
4. LDS Family Services *Strengthening Marriage: Instructor’s Guide* 2006.
5. *Ibid* p. 58.
6. *Op Cit*, Faust p. 10.
7. LDS Family Services *Strengthening Marriage: Instructor’s Guide* 2006, 60–61.

